

www.BibleForChildren.org

Matyu 1




Ilisabet nu dô vac xêyaa tiyi dentuc vigê vilu di sec ti,
lêc Anutu vông angela Gebliel la vac vigwe Nasalet vac
vigwe levac Galili, di i la vô vêxwo ti lê Malia. Malia ge,
tae mae nêl i lê lec Josep ên nêb yuu i iima, lêc yuu gên
dô teva. Josep ge, kehe vac king Devit.



Mêd Gebliel nêl vô i ên nêbê, “Malia,
xonaên i ma, ên Anutu yê ông nivîha.
Om ngô lê. Ông obêc vivi num vux ti
dêc obêc yubac ge, di ông nêl lê bê
Yesu. Num tyo ob tu xomxo
levac di xomxo ob nêl i lê
nêbê Anutu lag puunê nu, di
Apumtau Anutu obêc vông i tu
king mî viac xomxo tîyi xocbê bu
Devit ilage, om obêc tu xomxo Islel
wê Jekop nue bue gee nêl king mî
viac he luta lêc luta,

di i lê king obêc tîyôô lêm.”



Mêlêc Malia kinêg vô angela tyo ên
nêbê, “Kiyang ga obêc vô nôn lec
bêna? Ên a gên o kô vux ti lêm.”
Mêd angela luu i vya ên nêbê,
“Myakilôhô Ngibua obêc lam vô
ông, di xêkizêc wê Anutu lag
puunê vông ge obêc
lam hivun ông xôn,
om nipwo ti wê
ông obêc kô ge,
xomxo ob nêb i
ngibua di i Anutu nu.”



Vac buc tige mahigun ti, Malia kidi di tup la
vac vigwe kitôn ti wê yêp vac vigwe Judia
ge, di la vac Ilisabet yuu Sekalaia ben xumac
lôma di la pul
Ilisabet vigê di nêl
kiyang malehe vô i.



Mêd Ilisabet ngô Malia vya di nu wê dô vac i
xêyaa ge yetac di ngigax i, mêd Myakilôhô
Ngibua lam hivun Ilisabet xôn, di i nêl vya
levac vô Malia ên nêbê,
“Anutu vông vizid niviha
vô ông luu vêx baba
ge vêl. Di num wê
ông ob kô ge, vizid
niviha wê Anutu
vông ge obêc
hivun i xôn.”




Kiyang lec wê Yesu Kilisi yubac ge bêga ên nêbê
xomxo vinoo nêb Malia ob kô
Josep. Lêc yuu gên o kôma
lêm, di he yê wê Malia xêyaa
ge, lêc ge yuac wê Myakilôhô
Ngibua vông. Malia liya
Josep ge xomxo
nivitha, om nêb ob
vông Malia ni yoc vô
xomxo manôn lêm, om xo
ên nêb ob sea Malia lê, lêc
nêb ob nêl kiyang wê nu dô
vac Malia xêyaa ge kitong
vô xomxo tibeac lêm.



Josep gên dixo kiyang wê nêb ob sea Malia ge vac nîlô,
mêdêc Apumtau vông angela ti lam nêl kiyang vô Josep
vac vivia bêga ên nêbê, “Devit nu
Josep, le i lêc xona ên wê ông ob
kô Malia ge lêm, ên nipwo wê Malia
ob kô ge Myakîlôhô Ngîbua vaci
vông vô Malia.”



“Om Malia ob kô nu tuc, di ông ob nêl i lê ên nêbê Yesu,
ên lê tige kehe bêga nêbê obêc vô lie vêx yuu vux vêl
ên he nên nipaên.” Josep yêp mî kîdi lec di
vông tîyi xocbê Apumtau angela nêl vô i
ge di viac vinê Malia mî dô hixôn lê,
lêc o yêp hixôn lêm di i la tyip vô buc
wê nu tuc yubac ge di Josep nêl i
lê nêbê Yesu.



Vô buc tigeê King Sisa Ogastas vông kiyang ti la vô
xomxo vac vigwe vihati ên nêb he vihati i loc ên tibii i
kivuu he lê. Om xomxo
toto lax ben ben ên nêb
tibii i kivuu he lê.



Josep ge, kehe vac king Devit, mêt kidi vac Nasalet vac
vigwe levac Galili mi la, di mila vac vigwe levac Judia di
la bu Devit ben Iuta lê
nêbê Betlehem. Om
Josep yuu xôn
vinê Malia la
Betlehem



ên nêb
gavman i

kivuu yuu lê.



Malia ge, nu dô vac i
xêyaa, mêd yuu gên dô
Betlehem di buc vô
kwabo lec wê Malia nu
ob yubac ge.



Lêc xomxo pup lec xumac wê vitevac nêen ge vihati, om
yuu la dô vac bulmakau ben, mêdec nu tyo yubac lêc nu
tuc, mêd Malia viyum vac
nivimihi di la lii i yêp vac
bulmakau dipac
wê mi ya
vac ge.



Vac vigwe tige xomxo wê viac bwoc sipsip gee dô vô
vigwe ninya di viac he bwoc sipsip vô bucên mi dô.

Mêd Apumtau angela ti val vô he, di
xêseac wê Apumtau vông

ge lam
linac lec he,
om he yê di
xona mabu.



Lêc angela tyo nêl vô he ên nêbê, “Xonaên i ma. Dî xam
ngô lê. A ob nêl kiyang nivha ti vô xam, dî kiyang tyo
wê ob vông xomxo vihati xêyaa vô
nivha yang. Om a ob nêl vô



xam bêga
bê vô buc
gwêbaga vac
vigwe wê king
Devit mi dô

vac ilage,
nu ti yubac.”



“Ge xam nê m xomxo wê ob vô xam vêl ên nipaên. Ge Apumtau Kilisi. Om do wê xam ob xovô i lec ge bêga bê xam obêc wê nipwo tyo wê ta viyum vac nivimihi di i diyêp vac

bulmakau dipac wê mi ya vac ge.”



Angela nêl bêge vô he, di lutibed angela lag puunê
tibeac hiwocên val le hixôn angela tyo di
pimil Anutu ên nêbê, “Anutu lê i vô
levac gê lag puunê,



di kiyang malehe
i lam kibun ga vô
xomxo wê Anutu
yê nivihã ge.”




Angela tigea sea he di lax mi la lag puunê, mêd xomxo
bwoc viacên tigea nêl voma ên nêbê, “Xam kidi lec ên il
ob la Betlehem ên la xê kiyang ti wê Apumtau vông
vô angela mi he val nêl vô il ge nôn.”



Om he kidi lec di tup lutibed di mila yê wê Josep yuu
Malia xeedô di nu tuc diyêp vac bwoc dipac wê mi ya
vac ge. He yê pyap di nêl kiyang lec nipwo tyo tiyi wê
angela nêl kitong vô he ge.





Malia kô Yesu vac vîgwe Betlehem
vac vîgwe levac Judia. Helot tu he
Islel nêk mî dô vac vîgwe
Jelusalem.




Mêdêc xomxo piyôp
levac ya lam gê
vigwe wê hiyôv tyip
lam ge mî val
Jelusalem di
nêl ên nêbê,



“Nipwo paha wê ob tu xam Yuda
nêm king ge, tyo dô tina? Xe xê
pitua wê i vông ge vac vigwe wê
hiyôv tyip lam ge, om xe lam ên xe
nêb xe ob lam yev vixam kitu vô i.”



Helot ngô kiyang tige,
mêdêc vông kiyang la
xôpacên vô xomxo piyôp
levac tigeê ên nêb he i
lam vô i. He lam om Helot
kinêg vô he nêbê buc tina
wê pitua val tyip lec ge?
Om he nêl kitong vô i.



Mêd Helot nêl vô he ên
nêbê, “Xam loc Betlehem
dî loc vông yuac levac lec
myagên nipwo tige, dî
xam obêc wêvô ge od
xam lôm nêl vô a ên a
êno ob loc yev vixag kitu
vô i.”



Om he ngô Helot vya di loc mi la, di pitua wê he yê vac
vigwe wê hiyôv tyip lam ge la mug ên he di mila le kisii
vôxumac ti wê nipwo tige diyêp vac ge. He
yê pitua tige di xêyaa vô nivha
yang, di he la vac xumac nilô
di la yê nipwo tyo yuu ta Malia,
di yev vixa kitu vô
nu tige di pimil i.



Pyap dêc he hikwee susu vac he vixec di tung la vô nipwo tyo. Susu wê he vông vô i ge gol di xax myaluc,

di susu nivivea nivihaviha hixôn. Vô bucên Anutu nêl kitong vô he vac vivia ên nêbê, “Xam lôc vôên Helot tii vacên i ma.” Om he lax môp bangwe mi la ben.




Xomxo piyôp levac tigeê la,
mêdêc Josep yê Apumtau nê
angela ti vac vivia di angela
tige nêl vô i ên nêbê, “Kidi
lec mi kô nipwo yuu ta di
mon pec mi loc Isip mi
loc dô di i loc tyip vô buc
wê a ob nêl kiyang vô
ông i tii vac ge, ên Helot
ob myag

nipwo tige ên nêb
ob hi i yib.”



Josep ngô angela vya om kidi
lec vô bucên ði kô nipwo tige
yuu ta ði yon la vigwe levac
Isip, ði la dô ði i la tyip vô buc
wê Helot yib vêl ge. Om
Apumtau kiyang wê
plopete nêl ilage vô nôn
lec. Plopete nêl bêga ên
nêbê, “A tyuc nug tuc
gê Isip mi i lôm.”




Mêdêc Helot xovô nêbê xomxo
piyôp levac tigeê kityoo di o
milax vô i lêm, om xêyaa vô
myavinê mabu.



Om vông tibii la vigwe
Betlehem di la vac vigwe wê
yêp ninyawehe vô Betlehem
ge hixôn ên nêb he i loc hi vux
nipwo wê klismas ti me yuu ge
vihati i yib. Helot nêl bêge ên
xomxo piyôp levac nêl vô i ên

nêbê he
yê
pitua
ila di



klismas yuu
lam la vêl.







Timuên wê Helot yib vêl ge
od Apumtau angela ti nêl vô
Josep vac vîvia ên nêbê,
“Kidi lec di kô nipwo yuu ta di
mon lôc mî loc vac vîgwe
Islel i tii vac, ên he wê
nêb ob hi nipwo tige I
yib ge, he yib vêl.”




Lêc Josep ngô wê Akeleas
kô ma Helot nipilêhê
dî viac vîgwe Judia, om
xona ên nêb ob lax mî
la vîgwe tige lêm.



Om Anutu nêl kiyang
vô Josep vac vîvia tii vac, om
Josep loc mî la vîgwe levac Galili,
dî la dô vac vîgwe Nasalet.






Om kiyang wê he
plopete nêl ilage vô nôn lec.
Kiyang tige nêl bêga ên nêbê,
“He ob nêl bê i ge xomxo Nasalet ti.”



Anutu xo vigwe pisiv ên xomxo kibun
ga vihati luu vêl om vông nu tuc
tibed lam, ên nêb xomxo obêc
vông i vin i ge od he obêc yib
mì la vac nipaên lêm. Nge,
he ob dô maviha
luta lêc luta.



36



60



Lom 3:23

Nge, il vihati yang, il vông môm nipaên, om il o tiyi wê il ob tulec xêseac wê Anutu vông ge lêm.

Lom 6:23

Ên môm nipaên ob vông myaviwen nipaên vô xomxo bêga bê he ob yib. Lêc vizid wê Anutu vông pileva vô il ge bêga ên nêbê il lig Apumtau Yesu Kîlisi lam yib ên il nêd nipaên om il ob dô madvîha luta lêc luta.

Hiblu 9:27

Xomxo vihati ob yib lu tîbed, nang dêc Anutu ob yaxên môm yuu kiyang wê he vông ge.



Epesas 2:8,9

Il vông i vin Kĩlisi om Anutu xo vıgwe pısiv ên il dı vı il vêl ên il nêd nipaên. Lêc Anutu o vông vızid tige vı il ên môp nivıha ti wê il vông ge lêm. Nge, vông pıleva vı il. Ên il nêd yuac nivıha ti yêpên ma wê ob kısıu Anutu ên i kitya il nêd nipaên vêl ge. Om xomxo ti o tıyi wê ob yong i vı Anutu ge lêm.

Lom 10:9,10

Om xomxo ti obêc nêl Yesu kitong seac vac mya bêga ên nêbê, “Yesu ge Apumtau” dı obêc vông i vin nêbê Anutu tıpi vı Yesu kidi lec vac yibên ge od Anutu obêc kitya i nêd nipaên vêl. Ên il obêc vông i vin ge od Anutu ob yê il nêb il xomxo nivıha, dı il obêc nêl vông vinên kitong i yêp seac vac myad ge od Anutu ob kitya il nêd nipaên vêl dı vông il dı vac nivıha.



Jon 3:16,17

Anutu xo vîgwe pîsiv ên xomxo kibun ga vihati luu vêl om vông nu tuc tîbed lam, ên nêb xomxo obêc vông i vin i ge od he obêc yib mî la vac nîpâên lêm. Nge, he ob dô maviha luta lêc luta. Ên Anutu o vông nu tuc lam kibun ên nêb i lam vông myaviwen nîpâên vô xomxo lêm. Nge, vông i lam ên nêb i lam hêm he lec.

1 Jon 5:11-13

Kiyang wê Anutu nêl lec Yesu ge bêga nêbê Anutu ob vông il la dô maviha luta lêc luta, dî maviha dôên kehe ge nu tuc Yesu Kîlisi. Om xomxo wê vông i vin Yesu dî tu i nue ge, od obêc la dô maviha luta lêc luta, lêc xomxo wê o vông i vin Yesu lêm ge od obêc la dô maviha lêm. Kiyang ga vihati, a kîvuu vô xam wê xam vông i vin Anutu nu ge, ên a nêbê xam xovô bê xam kô maviha luta dôên pyap, om xam obêc dô luta lêc luta.



Matyu 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Patep NT (ptp) © 1986, Wycliffe Bible Translators, Inc.
All rights reserved.

<https://live.bible.is/bible/PTPWBT/MAT/1>

©2026 Bible for Children, Inc.

www.M1914.org

www.bibleforchildren.org

